

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**Ministarstvo industrije, energetike i rudarstva**

**PRAVILNIK O REVIZIJI ELABORATA O KLASIFIKACIJI, KATEGORIZACIJI I  
PRORAČUNU REZERVI MINERALNE SIROVINE**

**Tuzla, april 2012. godine**

Na osnovu člana 33. stav 2. Zakona o geološkim istraživanjima Tuzlanskog kantona („Službene novine Tuzlanskog kantona“ broj: 14/11), Ministar industrije, energetike i rudarstva u Vladi Tuzlanskog kantona, d o n o s i

## **PRAVILNIK**

### **o reviziji elaborata o klasifikaciji, kategorizaciji i proračunu rezervi mineralne sirovine**

#### **I OPĆE ODREDBE**

##### **Član 1.** **(Predmet Pravilnika)**

Ovim Pravilnikom se propisuje vođenje postupka za izdavanje rješenja o potvrđivanju količina i kvaliteta mineralne sirovine, način imenovanja i rad komisije za reviziju elaborat o klasifikaciji, kategorizaciji i proračunu rezervi mineralne sirovine (u daljem tekstu: elaborat) sa geološko-ekonomskom ocjenom i domenom primjene mineralne sirovine, sadržaj zapisnika o izvršenoj reviziji, naknada za rad komisije, sadržaj rješenja o potvrđivanju količina i kvaliteta mineralne sirovine (u daljem tekstu: rješenje).

##### **Član 2.** **(Postupak obavljanja revizije)**

Prije izdavanja rješenja Ministarstvo industrije, energetike i rudarstva Tuzlanskog kantona (u daljem tekstu: Ministarstvo) vrši reviziju elaborata kojim se utvrđuje da li je urađen u skladu sa Zakonom o geološkim istraživanjima Tuzlanskog kantona, Zakonom o geološkim istraživanjima Federacije Bosne i Hercegovine („Službene novine Federacije BiH“ broj: 9/10 i 14/10) i Pravilnika o sadržini programa, projekata i elaborata geoloških istraživanja („Službeni list R BiH“, br.16/93 i 13/94)

#### **II PODNOŠENJE ZAHTJEVA, KOMISIJA, ZAPISNIK, RJEŠENJE**

##### **Član 3.** **(Podnošenje zahtjeva)**

- (1) Nakon završenih detaljnih geoloških istraživanja privredno društvo-investitor dužno je u roku od 15 dana Ministrstvu podnijeti zahtjev za reviziju elaborata.
- (2) Troškove revizije snosi podnosilac zahtjeva.

#### **Član 4.**

##### **(Imenovanje i rad Komisije)**

Po podnesenom urednom zahtjevu u skladu sa važećim propisima Ministar rješenjem imenuje Komisiju za reviziju elaborata (u daljem tekstu: Komisija).

#### **Član 5.**

##### **(Sastav Komisije)**

- (1) Komisija se sastoji od stručnog lica geološke struke iz Ministarstva i lica sa liste eksperata koju je sačinilo Ministarstvo, a po osnovu objavljenog javnog poziva. Član Komisije iz Ministarstva je ujedno i predsjednik Komisije.
- (2) Predsjednik i članovi Komisije moraju ispunjavati uslove iz člana 33. Zakona o geološkim istraživanjima Tuzlanskog kantona.
- (3) Reviziji osim članova Komisije prisustvuje podnosilac zahtjeva i nosilac izrade elaborata.

#### **Član 6.**

##### **(Rješenje)**

- (1) Pored sadržaja propisanog važećim Zakonom o upravnom postupku, rješenje sadrži i iznos naknade i rok u kome je podnosilac zahtjeva dužan izvršiti uplatu na ime tehničkog pregleda u korist Budžeta Tuzlanskog kantona, rok u kome je Komisija dužna izvršiti zadatak i naznaku da će se troškovi vođenja postupka (putni troškovi i dnevnice) utvrditi shodno Zakonu o upravnom postupku.
- (2) Iznos troškova iz stava 1. ovog člana utvrđuje se na bazi norma sati potrebnih za obavljanje tehničkog pregleda.

#### **Član 7.**

##### **(Naknada članovima Komisije)**

- (1) Po izvršenoj reviziji Komisiji će se isplatiti naknada u skladu sa važećim propisima.
- (2) Predsjedniku i članovima Komisije pripada naknada za rad, čiju visinu rješenjem određuje ministar. Visina naknade članovima Komisije se određuje na osnovu troškovnika koga odobri ministar.

#### **Član 8.**

##### **(Sadržaj zapisnika)**

- (1) Nakon izvršene revizije elaborata obavljenog u skladu sa članom 2. ovog Pravilnika Komisija sačinjava zapisnik.
- (2) U zapisnik se unose svi relevantni podaci kao što su:
  - Da li je elaborat izrađen u skladu sa zakonom i drugim propisima
  - Da li privredno društvo koje je nosilac izrade elaborata ispunjava uvjete iz člana 16. Zakona o geološkim istraživanjima Tuzlanskog kantona

- Da li nosilac izrade elaborata ispunjava uvjete iz člana 15. Zakona o geološkim istraživanjima Tuzlanskog kantona
- (3) Zapisnik potpisuju svi članovi Komisije i drugi učesnici u reviziji.

**Član 9.**  
**(Otklanjanje nedostataka)**

- (1) Za otklanjanje eventualnih nedostataka u zapisniku se daje rok u kome je podnosilac zahtjeva dužan iste otkloniti.
- (2) Nakon otklonjenih nedostataka u zadatom roku podnositelj zahtjeva dužan je izvijestiti voditelja postupka.
- (3) Pod uslovom da su nedostaci otklonjeni voditelj postupka će u roku od osam dana pripremiti rješenje o potvrđivanju količina i kvaliteta mineralne sirovine.

**Član 10.**  
**(Rješenje o potvrđivanju količina i kvaliteta )**

Rješenje o potvrđivanju količina i kvaliteta mineralnih sirovina sadrži:

- a) naziv privrednog društva-investitora kome je odobreno istraživanje mineralne sirovine
- b) naziv istražnog prostora i vrsta mineralne sirovine
- c) potvrđena količina bilansnih rezervi mineralne sirovine
- d) potvrđena količina vanbilansnih rezervi (nije obavezna)
- e) potvrđen kvalitet mineralne sirovine
- f) mogućnost primjene
- g) koordinate istražnog prostora
- h) obrazloženje
- i) pouka o pravnom lijeku

**III ZAVRŠNE ODREDBE**

**Član 11.**  
**(Stupanje Pravilnika na snagu)**

Ovaj Pravilnik stupa na snagu osmog dana od dana objavljivanja u „Službenim novinama Tuzlanskog kantona“.

BOSNA I HERCEGOVINA  
Federacija Bosne i Hercegovine  
TUZLANSKI KANTON  
Ministarstvo industrije, energetike  
i rudarstva

M I N I S T A R  
  
Doc.dr.sc Željko Knežiček, dipl.ing.rud.

Broj: 03/1- /12  
Tuzla, \_\_\_\_\_ 2012. godine